

SHKALLËT E BESIMTARËVE NË RRUGËTIMIN DREJT ALLAHUT (MEDAARIXH ES-SAALIKIIN)

Shijimi / *edh-Dheuk* / الذُّوق

Dr. Hatim el-Haxh

Materiali është përmbledhje e kuptimeve të audio-ligjëratës nga nxënësit e hoxhës

<https://buff.ly/2hbVv4T>

Allahu ﷻ tha:

"هَذَا ذِكْرٌ"

"Ky (Kuran) është një kujtim." (Sad, 49)

Shijimi është më i qëndrueshëm sesa ekstaza (*wexhd*) dhe më i qartë sesa shkrepitima (*berk*)¹. Kjo ka tri nivele:

Niveli i parë është shijimi i besimit në premtime, pas çka:

- Dyshimet nuk e ngushtojnë²

¹ Zemra shijon koncepte dhe abstraksione ashtu siç gjuha shijon ushqime. Zemra që shijon të Vërtetën dhe përjeton çudirat e saj, nuk është si zemra që e kupton këtë vetëm nëpërmjet hetimit intelektual. Pejgamberi ﷺ tha:

"E ka shijuar ëmbëlsinë e besimit ai, që është i kënaqur me Allahun për Zot, me Islamin për fe, dhe me Muhamedin për pejgamber." (Muslim)

Të shijosh besimin nënkupton diçka më shumë sesa të besosh në të vërtetën e të Dërguarve. Kënaqja s'ka të bëjë vetëm me të besuar ose pranim. Ky besim themelor dhe ky pranim personit i duhet patjetër për të qenë musliman. Ata që shijojnë besimin, janë mbi këtë. Shijimi është i qartë dhe i përhershëm. Shijimi i së vërtetës përfundimtare ia mundëson personit shijimin e të vërtetave të Shpalljes dhe të kësaj bote. Ndërsa Shijimi asnjëherë s'do të jetë një zëvendësim për dijen e Sheriatit, kjo e përkryen të kuptuarit e personit për shariat.

² Herakliti i tha Ebu Sufjanit për pejgamberin ﷺ:

"Unë të pyeta më tej nëse kishte ndonjë që, pasi ka përqaftuar fenë e tij, ka dal prej saj nga pakënaqësia dhe ti mu përgjigje negativisht. Kjo, në fakt, është një shenjë e besimit të vërtetë. Kur kënaqësia e besimit hyn në zemër dhe përzihet me të, askush më pas nuk mbetet i pakënaqur me të." (*Mutefekun alejhi*)

- Shpresat nuk e ndërpresin
- Dhe dëshirat nuk e pengojnë³

Niveli i dytë i shijimit është atëherë kur vullneti shijon intimitetin prehës (*uns*), pas çka:

- Nuk ndalohet nga ndonjë shpërqendrim
- Nuk priset nga ndonjë ndërhyrje
- Nuk dëmtohet nga ndonjë shkapërderdhje (*tefrikah*)⁴

Niveli i tretë i shijimit është atëherë kur:

- I shkëputuri shijon lidhjen (me hyjnoren)
- Vullnetforti shijon bashkimin / nënshtrimin (ndaj hyjnore)
- dhe shijon të parët (e hyjnore) gjatë “bisedimit” të ngrohtë me Allahun (dhikrit; namazit)

³ Nga ndjekja e qëllimit përfundimtar në të cilin ai beson.

⁴ Kur shumësia e krijimit dhe e ngjarjeve ia heqin vëmendjen personit nga njësia e Krijuesit.